

Reuerendiss. Patri Domino

FRANCISCO MARINO  
CLERICU REGVLARI.  
EXIMIO CONCIONATORI,  
ac Visitatori meritissimo.



ON diù, nec ancipiti Consilij lance mea mens deli-  
brata tuam caligauit ad lucem, Reuerendiss. Pater;  
quonam scilicet è sydere huic operi lumen hau-  
riret intempesta indagine anhelans. Solis quippe  
radijs sublunaria hæc corpora, vel invita clare-  
scunt, tuæq; virtutis fulgorem meus genius ingenio-  
to in te obsequio, velit nolit, adorat. Hinc ad lu-  
cem huic operi abs te mercandam, tuarum virtutum  
pondus me volentem inclinat; abs te inquam cui soli Fama dum tuo no-  
mini continenter inuolitat suas alas impendit. Cuius purpuratæ eloquen-  
tiæ, vel ipsa cedens Inuidia fasces submisit. Rediuium enim in te præscæ  
eloquentiæ robur demiratur Italia, ac sapientiæ nectare tua verba roran-  
tia, dum aures degustant audientium, æternam vitam suspirantia se se in-  
sinuant in corda. Philosophico lapide sordidi æris formam flauescere in  
auream Chemicorum commentum ingenti plausu vulgus exceptit, at tuo  
ex ore pendentes animos, ferugineo turpiter tinctos puluere, diuinum sta-  
tim enitere in aurum, vel ipsa Templa tuas laudes resonantia testantur.  
Scientiarum fluuios quibus doctiorum ingenia vernantur irrigua, te vnum  
strinxisse, ipsum MARINI agnomen declarat. Perenni quippe flumina in  
Mare defluunt tributo, tuo autem in pectore quicquid Scientiarum è di-  
uinitatis fonte manauit in homines sapienter inundat. Hoc igitur è Mari,  
emergentem tuæ virtutis Solem veneratur hic Liber, quem suo etiam ar-  
gumento tuum in sinum aduolantem, vt fauenti ipse excipias vultu, beni-  
gnitas tua facilè poterit exorari. Regularium enim munera, siue emi-  
neant dignitate, siue aliorum imperio, grato nexus stringantur, hunc li-  
brum implent. Te igitur adit Regularium decus, & ornamentum, qui ea-  
dem iura in quæ danda te natura formauit, ad aliorum nutus descendens  
mellea facilitate capescis, nunquam ad parendum difficultis, ni cum ipsum  
parere suprema tuæ Religionis munia parit. Tuam quoque hoc in libro  
videbis imaginem, cum hic ex censeantur virtutes, quibus tu aliorum re-  
gimini toties impositus in tui amorem omnia Corda traxisti. Accipe igi-  
tur, Reuerendiss. Pater, hoc mei animi tibi deuoti quod seculis tradò mo-  
numentum, Æuo duraturum si tu vel leui fauore, Æternitatis ei aditum  
aperueris. Vale.